



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2017 жылғы 22 тамыз

Ұлттық Банкте қаржы нарығының сарапшыларымен кезекті кездесу өтті

Қазақстан Ұлттық Банкінің өкілдері бүгін сарапшылармен кездесу барысында ҚРҰБ-ның базалық мөлшерлеме бойынша соңғы шешімін, сондай-ақ қаржы реттеушісінің ақша-кредит саясатының негізгі бағыттары бойынша өзекті мәселелерді талқылады.



«Ұлттық Банк базалық мөлшерлемені 10,25%-ға дейін төмендету туралы шешім қабылдады. Банктерге өтімділік беру операциялары бойынша мөлшерлеме 11,25%-ды, өтімділікті алу операциялары бойынша – 9,25%-ды құрайтын болады», – деді кіріспе сөзінде Ұлттық Банктің Зерттеулер және статистика департаментінің директоры Виталий Тутушкин. Ол инфляцияның баяулауы, инфляциялық күтулер деңгейінің тұрақтануы сияқты және т.б. базалық мөлшерлеме бойынша шешім қабылдау кезінде ескерілген факторларды қысқаша атап өтті. В. Тутушкиннің айтуынша, Ұлттық Банк базалық мөлшерлемені төмендету перспективасына қатысты бағалауды қайта қарады. Ол: «ағымдағы жылдың соңына дейін базалық мөлшерлеменің төмендеу ықтималдылығы сыртқы жағдайлардың белгісіздігі және құбылмалылығының өсуі аясында төмендейді» – деп толықтырды.

В. Тутушкин елде инфляциялық аяның төмендеуін атап өтті, оның айтуынша, оны ағымдағы жылғы шілдеде базалық инфляцияның көрсеткіштері 2017 жылғы қаңтардағы 8,3%-дан шілдеде 6,7%-ға дейін төмендегені білдіреді. «Халықтың инфляциялық күтулері олардың аздаған құбылуы кезінде 2017 жылдың басынан бері салыстырмалы түрде тұрақтылығын сақтауда. Пікіртерімнің нәтижелері бойынша шілдеде келесі 12 айдың барысында баға өсу қарқыны сақталатынын күтетіндердің үлесі – маусымдағы 68,7%-дан шілдеде 69,6%-ға дейін өсті. Инфляцияны бір жыл бұрын сандық бағалау 6,4% болды және 2018 жылға арналған нысаналы аралықта қалды», – деп жалғастырды ҚРҰБ өкілі.

Өз кезегінде, ҚРҰБ Монетарлық операциялар департаменті директорының орынбасары Әділ Мұхамеджанов валюта нарығындағы ағымдағы жағдайды түсіндірді, қазіргі кезде ол тұрақтанғанын атап өтті.

2017 жылғы 22 тамыздағы жағдай бойынша айырбастау бағамы бір АҚШ доллары үшін 333,08 теңге деңгейінде қалыптасты. Сараптамалық қауымдастықтың өкілдерімен кездесу кезіндегі өзінің таныстыруында ол соңғы бірнеше ай ішіндегі ішкі валюта нарығында және теңгенің айырбастау бағамы мен мұнай бағасының серпінінде реттеуші жүргізген өктемдіктің көлемі жөніндегі деректерді келтірді.

«Ішкі ақша нарығында артық өтімділігі бар ахуал сақталып отыр, оны негізінен Ұлттық Банк қысқа мерзімді ноттарды шығару арқылы өндіріп алады. Бұл ретте, қатысушылардың мөлшерлемелер бойынша күтулерін көрсете отырып, ноттар бойынша кірістілікті төмендету үрдісі сақталып келеді», – деп жалғастырды Ә. Мұхамеджанов.

Ол сондай-ақ кездесуге қатысушыларға 2017 жылғы шілденің аяғында теңгемен депозиттердің 2016 жылғы желтоқсанмен салыстырғанда 10,1%-ға 9,1 трлн. теңгеге дейін ұлғайғанын, ал шетел валютасындағы депозиттер 13,7%-ға 8,6 трлн. теңгеге дейін төмендегенін хабарлай отырып, депозит нарығы бойынша деректерді келтірді.

Жалпы алғанда, Ұлттық Банк өкілдерінің сөзінше, ақша-кредит талаптары бейтарап болып қалады. Ұлттық Банкте нақты пайыздық мөлшерлеменің деңгейі экономикалық өсудің ұзақ мерзімді әлеуетті қарқынымен салыстырылатын деңгейде деп санайды.



Қаржы реттеушісінің нарықпен және жұртшылықпен белсенді коммуникациясы саясаты шеңберінде Қазақстан Ұлттық Банкі сарапшылармен осындай кездесуді тұрақты негізде өткізетіндігін еске саламыз. Базалық мөлшерлеме бойынша келесі шешім 2017 жылғы 9 қазанда Астана уақыты бойынша сағат 17:00-де жарияланатын болады.

Толығырақ ақпаратты мына телефон бойынша алуға болады:

+7 (727) 2704 585

e-mail: press@nationalbank.kz

www.nationalbank.kz